


W.E.B. Aruba N.V. ta adapta tarifa di awa y coriente



ORANJESTAD (AAN): Desaroyonan riba mercado mundial di e crudo cu ta e base pa e combustibel di W.E.B. Aruba N.V. a muestra hopi positivo pa Aruba durante ultimo simannan. Motibonan menshona ta e inventario di Merca pa productonan petrolero ta na su nivel mas halto desde januari 1999, tension politico den Medio Oriente a baha considerablemente y e suministro di crudo for di Alaska a worde reanuda casi na su capacidad maximo. E prijs di crudo a baha cu 24% compara cu e prijs record di \$78.40 pa bari.

Un caida considerabel pero tin indicacionnan cu OPEC lo por reacciona y baha su produccion di crudo pa tene e prijs di crudo rond di US \$60

pa bari.

E caida den e prijs di crudo a stimula un caida tambe den e prijs di e combustibel "No. 6 Heavy Fuel Oil" cu W.E.B. Aruba N.V. ta usa pa genera electricidad y produci awa di bebe. Luna pasa, augustus, e prijs average di nos combustibel riba mercado mundial tabata US \$49.60 pa bari y a sigui baha te cu actualmente e prijs average pa september ta US \$42.04 pa bari. Esaki ta un reduccion den prijs di $\pm 15\%$. (Mira e schema aki bou di prijs di "Fuel Oil" den luna di september 2006)

Desde 1 di juli 2006, W.E.B. Aruba N.V. a stabilisa e tarificanan di awa y electricidad basa riba un prijs di "Fuel Oil" di US \$47.50 pa bari aunke cu e prijs

di e Fuel Oil riba mercado mundial tabata mas halto. E prijs average cu W.E.B. Aruba N.V. a paga pa "Fuel Oil" durante e periodo di juni pa augustus ta $\pm$ US \$48.45.

Considerando e tendencia actual di bahamento di prijs di "Fuel Oil" den luna di september, gerencia di W.E.B. Aruba N.V. a disidi pa adapta e tarificanan di awa y electricidad a base di un prijs average di combustibel di US \$42.50 pa bari.

Pues entrante dia 1 di october e tarifa di awa y coriente ta baha cu un average di $\pm 6\%$. Importante akinan ta pa nota cu e prijs average di combustibel cu W.E.B. Aruba N.V. ta usa awe pa adapta e tarificanan di october 2006 ta igual na e prijs average cu a usa un aña pasa na october 2005. Esaki despues cu den e aña nos tras a yega te na un nivel di prijs average di US \$50 pa bari !!

Gerencia di W.E.B. Aruba N.V. ta avisa e consumidor pa tene bon cuenta cu e adaptacion di tarificanan ta un consecuencia directo di e bahamento di e prijs average di combustibel riba mercado mundial. Pues si e prijs di e combustibel bolbe subi, automaticamente nos tarifa tambe lo subi!

Pa motibonan pafor di Aruba nos ta conoce un rebaho den e prijs di awa y coriente. Esaki no ta kita cu ainda nan ta productonan caro y indispensable na nos tur. W.E.B. Aruba N.V. ta keda enfatisa cu e unico manera, a corto plaso, cu nos como consumidor tin awor aki pa baha nos gasto di awa y coriente ta, pa baha nos consumo di awa y coriente na cas. Na tur parti di mundo e lucha contra prijs halto di energia ta worde bringa riba tereno di baha e consumo of

rebaho ta solamente den e tarifa di awa cu ta mas halto cu 12 ton di awa pa luna. Ta te ora cu nos por yega back na un nivel di prijs di "Fuel Oil" average cual ta bou di U.S. \$35 pa bari, lo por baha e tarifa di bou di 12 ton pa luna.

Awa y coriente ta indispensable, sea responsabel.

baha e demanda pa productonan petrolero manera gasolin of "Fuel Oil".

Manera ta conoci, desde mei 2005 e tarifa di awa pa e prome 12 ton di consumo ta basa riba un prijs di "Fuel Oil" di U.S. \$35 pa bari. Mester tene na cuenta cu si baha e tarifa di awa, manera ta e caso actualmente, cu e

Mr. Ing. Hubert Maduro prome Arubano nombra pa Raad van State di Reino



ORANJESTAD(AAN)— Un noticia cu a cay cu hopi agrado na Aruba ayera tabata cu Consejo di Ministranan di Reino riba proposicion di ministro Nicolai di Relacionnan cu Reino, a bay di acuerdo pa propone mr. ing. Hubert C. Maduro, pa bira miembro di Raad van State, consejo di estado di reino, pa Aruba.

Sr. Maduro di 62 aña di edad a traha na Aruba den e periodo di 1962 pa 1976 na Kadaster, na Dienst Openbare Werken, D.O.W. den seccion planologico y despues den staf di di halto comisario di polis na Corsow. For di 1982 el a traha como wetgevingsjurist, den departamento huridico di gobierno di Aruba, Wetgeving en Constitutionele Zaken y na griffie di Corte den Prome Instancia di Aruba.

For di 1 di januari 1986 te cu 16 di september 2004 e tabata griffier di Corte na Aruba. Mr. ing. Hubert Maduro tabata miembro di diferente comision, entre otro "Commissie voor ontwerp van de Staatsregeling Aruba", di cual comision e tabata presidente, "Commissie voor het ontwerp van de landsoverordening Administratieve Rechtspraak" di cual e tabata

miembro, "Commissie voor de maatschappelijke inspraak" pa preparacion di e Toekomstconferentie 1992, di cual e tabata president y Commissie-Van der Griendt relaciona cu exigencianan pa e asina yama "benoembaarheid politieke ambtsdragers di cual e tabata e "ambtelijke secretaris."

Sr. Maduro actualmente ta president di Consejo Electoral di Aruba, miembro di Bezwaardadviescommissie Landsverordening Administratieve Rechtspraak, miembro di Comision di preparacion di Conferencia di mesa rondo y miembro di Commissie Rechtszekerheid en Deugdelijkheid van Bestuur. Mr. ing. Hubert C. Maduro ta bira sucesor di mr. H. D. van der Griendt cu a fayece na september 2004.

Den conversacion cu DIARIO a tene ayera cu un familiar di dje, a ser expresa cu henter familia, su señora Maxima, tur su rumannan, sobrino y sobrinanan ta masha orguyoso cu e logro aki di mr. ing. Hubert Cirilo Maduro na kende Diario tambe ta manda un felicitacion pa su nombramento y aceptacion di parti Consejo di Ministro di Reino, algo cu Aruba mester ta orguyoso di dje.

Pacientnan preocupa

Un Cardiólogo so no por atende tur pacient na Aruba!

ORANJESTAD (AAN) — Den e transcurso di e siman aki diferente persona cu ta sufrir di problema di curazon, a yama redaccion di DIARIO pa expresa nan disgusto, debi cu aworaki nos pais ta conta cu un solo Cardiólogo, pasobra AZV a dicidi cu no ta renova contrato di dr. Suverkropp.

Tin personanan cu tin mas cu 15 aña largo bao cuido y tratamiento di e Cardiólogo aki, y cu awor diripiente tambe a keda sin especialista, pasobra gobierno a dicidi cu un so ta suficiente pa henter nos poblacion.

AZV a core cu dr. Blume, cu dr. Casper Lacle, y awor cu

dr. Suverkropp, ta solamente dr. van Leeuwen a keda y tur pacient cu mester bay specialista ta worde referi na su persona, y segun pacientnan a comenta ta obvio cu e so no por cu tantísimo pacient.

Tin indicacion cu e docter a entama un caso den Corte, y cu su pacientnan ta masha pendiente di e veredicto cu Huez lo duna, pasobra nan ta spera cu husticia prevalece, ya cu e docter aki tin hopi experiencia, e ta conoce su pacientnan manera su planta di man, y no ta facil pa nan pa awor bay adapta na otro

Sigui lesa Pg. 4